

Ministère de l'Agriculture, de la Viticulture et du Développement rural,	8
Référence:	
	- 1 JUIL. 2022
A traiter par:	
Copie à:	

N°6430
Reçue le 30.06.2022
Déclarée recevable
Président de la Chambre des Députés
(s.) Fernand Etgen
Luxembourg, 30.06.2022

Lëtzebuerg, den 30 juin 2022

Här Fernand ETGEN
Chamberspräsident
LËTZEBUERG



DEMOKRATESCH
PARTEI

Chambre des Députés
Groupe Parlementaire

Här President,

Esou ewéi den Artikel 80 vum Chambersreglement et virgesäit, biede mir Iech, dës parlamentaresch Fro un den Här Wirtschaftsminister an un den Här Minister fir Landwirtschaft, Wäibau a ländlech Entwécklung weiderzeleeden:

„A Frankräich ass am Joer 2021 eng Baisse vum Konsum vu Bio-Liewensmëttel am Verglach zum Virjoer festgestallt ginn. D'lescht Joer louch de Gesamtwäert vun de verkaafte Bio-Liewensmëttel bei 12.66 Mrd. Euro, eng Baisse vun 1.4% par Rapport zu 2020. D'Entwécklung am Liewensmëttelhandel, wéi Supermarchéen a Biobutteker war änlech. De Gesamtverkauf vun de grouse Supermarchéen ass op 6,67 Mrd. Euro gefall, 3.9% manner wei d'Joer virdrunner.

Am Géigesaz huet d'Kultivéierung vu biologesche Flächen a Frankräich 2021 2,78 Milliounen Hektar entsprach, eng Hausse vun 9,0% am Verglach zu 2020.

Deementspriechend ass déi franséisch Associatioun fir Bio-Landwirtschaft FNAB besonnesch alarméiert a gesäit dës Entwécklung als "heftege Réckschlag".

An deem Kader wollte mir dem Här Wirtschaftsminister an dem Här Minister fir Landwirtschaft, Wäibau a ländlech Entwécklung folgend Froe stellen:

- *Sinn zu Lëtzebuerg änlech Tendenze wéi a Frankräich, wat de Verkauf vu Bio-Liewensmëttel ugeet, ze erkennen? Wéi huet sech de Gesamtwäert vun de verkaafte Bio-Liewensmëttel iwwer déi lescht 2 Joren zu Lëtzebuerg entwéckelt?*

9, rue du St. Esprit
B.P. 510
L-2015 Luxembourg

Tel. : 22 41 84 1
Fax : 47 10 07


dp@dp.lu
www.dp.lu

- *Falls et och zu Lëtzebuerg zu engem Réckgang vum Verkaf vu Bio-Liewensmëttel komm ass, wat sinn d'Ursaache fir dëse Réckgang?*
- *Sinn d'Präisser vu Bio-Liewensmëttel am Einzelhandel tendenziell méi oder manner vun der aktueller Präisdeierecht betraff wéi déi konventionell Produiten?*
- *Wéi gesäit et mat de Produktiounskäschten aus? Si Biobauere méi oder manner vun der aktueller Präisdeierecht betraff?*
- *Kann ee schlussfolgeren, datt de Marché vu Bioproduite saturéiert ass, oder mengen d'Häre Ministeren, datt d'Demande no Bioproduiten an Zukunft weider steige wäert?*
- *Här Landwirtschaftsminister, wat ass am nächsten Agrargesetz virgesinn, fir den Iwwergang op d'Bio-Landwirtschaft besser ze fërderen?“*

Mat déiwem Respekt,



Gusty GRAAS
Deputéierten



André BAULER
Deputéierten



Réponse commune de Monsieur le ministre de l'Économie, Franz Fayot, et de Monsieur le ministre de l'Agriculture, de la Viticulture et du Développement rural, Claude Haagen, à la question parlementaire n°6430 du 30 juin 2022 de Messieurs les Députés Gusty Graas et André Bauler au sujet de la baisse de la consommation des produits biologiques

1.-3.)

All Joer sammelt de Statec iwwer seng permanent Ëmfro zum Haushaltsbudget (enquête permanente sur le budget des ménages - EBM¹) d'Zomm vun den Ausgabe fir Liewensmëttel vun de Lëtzebuerger Stéit, och den Montant vun den Ausgabe fir Bio-Liewensmëttel gëtt esou erhuewen. D'Donnéen op déi de Statec sech fir d'Aschätzungen hei drënner beriff bezéien sech just bis op d'Joer 2021, et sinn nach keng méi rezent Donnéeë verfügbar well d'Ëmfro zum Haushaltsbudget 2022 nach amgaangen ass, déi Resultater wäerten net virum Fréijoer 2023 kenne publizéiert ginn.

An der Publikatioun „Regards“ No 12 vun 2020² war duergestallt ginn dass den duerchschnëtleche Bio Undeel vun den Ausgabe fir Liewensmëttel vun de Lëtzebuerger Stéit am Joer 2018 12% war, woubäi et wesentlech Ënnerscheeder gëtt ofhängeg vun der Aart vu Produkt oder dem Akommes vum Stot. Déi beléiftste Bioproduite bei de Konsumente si Liewensmëttel fir Bëbeeën, Hunneg, Eeër, Miel a Kären, Mëllech an Uebst a Geméis.

Méi rezenten Donnéeë vun der EBM weisen datt dësen Trend iwwert d'Zäit zimmlech stabil bliwwen ass: et waren 12% am Joer 2019 an 11% am Joer 2021. Fir 2021 ass also just eng ganz licht Baisse vum Undeel vun Ausgaben fir Bioliewensmëttel festgestallt ginn. Och d'Variatioune jee no Produktkategorie an Akommes vum Stot sinn stabil bliwwen.

4.)

D'Biobauere si vun der aktueller Praisdeierecht änlech betraff wéi déi konventionell Betriber, d'Produktiounsmëttel wéi Fudder, Mazout, etc. si fir all d'Betriber an d'Luucht gaangen.

5.)

Op laang Siicht wäerten sech déi Liewensmëttel um Maart duerchsetzen, déi een nohaltegen Impakt hunn. D'Bioproduite sinn do gutt opgestallt.

6.)

Am Kader vum neien Agrargesetz gi Mesuren aus dem aktuelle Plan d'Action National, kuerz PAN-Bio weidergefuert. Des Weideren ass virgesinn, dat d'Ställ fir Investitiounsbäihëllefen nëmmen dann eligibel si wann se d'Norme vun der Biolandwirtschaft erfëllen. Domadder soll fir den eenzele Betrib d'Decisioun fir ob Biolandwirtschaft ëmzекlamme vereinfacht ginn.

Luxembourg, le 05/10/2022

Le ministre de l'Économie

(s.) Franz Fayot

¹ <https://statistiques.public.lu/fr/enquetes/enquetes-particuliers/budget-menages-conditions-vie.html>

² <https://statistiques.public.lu/dam-assets/catalogue-publications/regards/2020/regards-12-20.pdf>